

# Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat

Meeqqat tapersorsorneqarnissaannut Inatsisartut inatsisaanni nr. 20, 26. juni 2017-imeersumi § 32, imm. 4, § 34, imm. 2 aamma 3 aamma § 57, imm. 4 aamma 6 naapertorlugit uku aalajangersarneqarput:

## Kapitali 1

### Tamanut tunngasut

#### *Paaqqinniffit immikkoortortaqaqfillu ilusaat*

**§ 1.** Nalunaarut manna meeqqanut ulloq unnuarlu paaqqinniffinnut ataani allassimasunit pigineqarlutillu aqunneqartunit atuuppoq:

- 1) Naalakkersuisunit,
- 2) kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussisunit, imaluunniit
- 3) suliffeqarfinit imminut ingerlatittunit.

*Imm. 2.* Ulloq unnuarlu paaqqinniffik ingerlanneqarsinnaavoq:

- 1) isumannaallisagaanngitsutut,
- 2) isumannaallisagaanngitsutut ilaatigulli matoqqasumik initialittut, imaluunniit
- 3) isumannaallisakkatut.

**§ 2.** Meeqqanut ulloq unnuarlu paaqqinniffimi ini ilaatigut matoqqasoq tassaavoq, isumaginninnermik suliassaqfimmi pissaanermik atuineq pillugu Inatsisartut inatsisaanni § 6-imi piumasaqaatit naammassineqarsimatillugit, piffissat ilaanni matunik silarlernik igalaanillu parnaartiterinikkut pissaanermillu atuinikkut anitsaaliuilluni isersimatitsivik.

**§ 3.** Meeqqanut ulloq unnuarlu paaqqinniffik isumannaallisagaq tassaavoq ulloq unnuarlu paaqqinniffik isumannaallisakkamik minnerpaamik ataatsimik immikkoortortalik, immaqalu isumannaallisagaanngitsumik ataatsimik arlalinnilluunniit immikkoortortalik.

*Imm. 2.* Ulloq unnuarlu paaqqinniffiup isumannaallisakkap immikkoortortaani isumannaallisakkani matut silarliit igalaallu paarnaqqatittuaannarnissaat akuerisaavoq.

*Imm. 3.* Ulloq unnuarlu paaqqinniffiup isumannaallisagaasup silataani silaannarissarluni aneefissanik isumannaallisagaasunik peqassaaq.

## *Katsorsaanerit piareersaanerillu*

**§ 4.** Meeqcanut ulloq unnuarlu paaqqinniffik perorsaanikkut, tarnip pissusaanik tunngasunut, tarnip nappaataanik tunngasunut imaluunniit ilaqtariinnut peqqissaanermik neqerooruteqarsinnaavoq.

*Imm. 2.* Ulloq unnuarlu paaqqinniffik nittartagaliussaaq, tassani allassimassaaq, katsorsartinnerit qanoq ittut neqeroorutigineqarnersut, taakku ataanni qanoq iliorluni katsorsaasoqartarnersoq, katsorsaariaatsit suut toqqarneqarsimanersut aammalu qanoq naammassineqartarnersut.

*Imm. 3.* Ulloq unnuarlu paaqqinniffimi perorsaariaaseq meeqqat ataasiakkaat inerissimassusaat immaqalu piginnaasaasa apparsimanerat eqqarsaatigalugit aaqqissuunneqassaaq.

*Imm. 4.* Meeqcanut ulloq unnuarlu paaqqinniffik meeqqat sapinngisamik nalinginnaanerpaamik inuuneqarsinnaanngorlugit aaqqissugaallunilu ingerlanneqassaaq.

## *Inissiinissamut innersuussisarneq*

**§ 5.** Isumaginninnermut Aqutsisoqarfik qitiusumik inissiinissamut innersuussisarfimmik (inissiinissamut innersuussisarfik) ingerlatsissaaq.

*Imm. 2.* Inissiinissamut innersuussisarfimmut nalunaarsinnaassagaanni taassuminngalu atuisinnaassagaanni ulloq unnuarlu paaqqinniffittut akuerisaasimanissaq piumasaqaataavoq.

*Imm. 3.* Meeqcanik ataasiakkaanik inissiinissamik innersuussineq ulloq unnuarlu paaqqinniffit ataasiakkaat aqutsisuisa aamma inissiinissamik innersuussisarfiup oqaloqatiginerisigut pissaaq.

## *Najukkami maleruagassat*

**§ 6.** Meeqcanut ulloq unnuarlu paaqqinniffiup najukkami maleruagassat aalajangersarsinnaavai.

*Imm. 2.* Najukkami maleruagassat najugarisap siunertaanut perorsaanerullu tungaatigut anguniagaanut naleqqussagaassapput ulluinnarnilu ingerlanneqarsinnaaneranut akornutaassanatik.

*Imm. 3.* Ulloq unnuarlu paaqqinniffit najukkami maleruagassiaminni piffissat ulloq unnuarlu paaqqinniffimmut pulaarfiusinnaasut killilersinnaavaat. Killiliinerli taanna paaqqinniffiup iluani eqqisisimanissaq torersumillu pissusilernissaq eqqarsaatigalugit pisariaqartumit ingasannerussanngilaq.

## *Ulloq unnuarlu paaqqinniffit aaqqissugaanerat pillugu aalajangersakkat*

**§ 7.** Meeqcanut ulloq unnuarlu paaqqinniffik meeraq nammineq ineeraqartussanngorlugu aaqqissugaassaaq, taamaattorli tak. imm. 2 aamma imm. 7.

*Imm. 2.* Meeqqat ataasiakkaat, matumani qatanngutigiit ineqqami ineqatigiinnissaat meeqqamut pitsaanerusussatut nalilerneqarpat, aamma perorsaanermut atatillugu pisariaqartinneqartutut isumaqarfingineqarpat imm. 1 malillugu nammineq ineeraqartitsinissamut piumasaqaat avaqqunneqarsinnaavoq. Meeraq 12-it sinnerlugit ukioqarpat matumunnga akuersitinneqassaaq.

*Imm. 3.* Meeraq sapinngisamik peqatigalugu meeqqap ineeraa aaqqissuunneqassaaq, pisatsersugaaneralu meeqqap ukiuinut immaqalu immikkut pisariaqartitaanut naleqquttuussalluni.

*Imm. 4. Meeqqat uffarfissaqassapput perusuersartarfeqassallutillu.*

*Imm. 5. Ulloq unnuarlu paaqqinniffik meeqqat sunngiffimminni nalinginnaasunik sammisaqarnissaannut periarfissaqartillugit aaqqissugaassaaq.*

*Imm. 6. Meeqqanut ulloq unnuarlu paaqqinniffik ataatsimoorussamik isersimaartarfeqassaaq, ini meeqqat immikkut pisariaqtitaannut naleqqussarlugu aammalu meeqqanit ulloq unnuarlu paaqqinniffimi inissinneqarsimasunit tamaginnit atorneqarsinnaasunngorlugu aaqqissugaassaaq.*

*Imm. 7. Aaqqissugaanermut tunngatillugu piumasaqaatit imm. 1, 3 aamma 5-6-imiittut Isumaginninnermut Aqutsisoqarfipakuersineratigut ulloq unnuarlu paaqqinniffinnit pioreersunit avaqqunneqarsinnaapput, inissiat pioreersut pissutigalugit piumasaqaatit taakkua naammassineqarsinnaanngippata. Akuersissut ukiut marluk tikillugit atuuttussatut sivitsornissaanullu periarfissaqartillugu nalunaarutigineqarsinnaavoq.*

**§ 8. Ulloq unnuarlu paaqqinniffik sinittussanik pigaartoqartarp, ini sulisut qasuerserfissaat sulisunut aaqqissuunneqassaaq.**

**§ 9. Meeqqanut ulloq unnuarlu paaqqinniffik sanaartornermut qatserisartoqarnermullu oqartussaasunit, uumasut nakorsaattut oqartussaasunit kiisalu sullivinnik nakkutilliisoqarfimmit qaqugukkulluunniit akuerineqarsinnaasunngorlugu aaqqissuunneqassaaq.**

## Kapitali 2

*Meeqqanut ulloq unnuarlu paaqqinniffit Naalakkersuisunit pigineqartut*

*Pilersitsineq ingerlatsinerlu*

**§ 10. Ulloq unnuarlu paaqqinniffit Naalakkersuisut pigisaat Isumaginninnermut Aqutsisoqarfimmit pilersinneqartarput ingerlanneqartarlutillu.**

*Ulloq unnuarlu neqeroorummik akuersineq*

**§ 11. Meeqqanut ulloq unnuarlu paaqqinniffit Naalakkersuisunit pigineqartut akuerineqarnissaannut Isumaginninnermut Aqutsisoqarfik aalajangiissaaq.**

*Imm. 2. Imm. 1 malillugu akuersissut tunngavilersugaasoq allakkatigut nalunaarutigineqassaaq, tassanilu nalunaarutigineqassapput ulloq unnuarlu paaqqinniffiup sullinniagai kikkuunersut kiisalu qassinik inissaqartitsinersoq.*

*Imm. 3. Kapitali 3 malillugu ulloq unnuarlu paaqqinniffit kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussamik pigineqartunut ingerlanneqartunullu piumasaqaatigineqartut assingi ulloq unnuarlu paaqqinniffiup naammassissagai, Isumaginninnermut Aqutsisoqarfip qualakkiissavaa.*

*Illeqqoreqqusat*

**§ 12.** Meeqyanut ulloq unnuarlu paaqqinniffit Isumaginninnermut Aqutsisoqarfimmit pilersinneqarlutillu ingerlanneqartut ileqqoreequsaqassapput, imarissallugit:

- 1) Ulloq unnuarlu paaqqinniffiup aqqa, sumiiffia amma siunertaa.
- 2) Perorsaanissap siunertaata allaaserineqarnera.
- 3) Sullinniakkat allaaserineqarnerat.
- 4) Aqutsisut suliassaasa allaaserineqarnerat.
- 5) Inummut pingajuusumut tunngatillugu akisussaaneq iliuuseqarsinnaatitaanerlu pillugit maleruagassat.
- 6) Missingersuusiortarneq, naatsorsuuserineq kukkunersiuinerlu pillugit maleruagassat.
- 7) Illeqqoreeqqusat allanngortinnejqassatillugit periaassisat.

#### *Akuersisummik atorunnaarsitsineq*

**§ 13.** Meeqyanut ulloq unnuarlu paaqqinniffimmut akuersisummik atorunnaarsitsinissamik Isumaginninnermut Naalakkersuisoqarfik aalajangiisinhaavoq, matumani § 11, imm. 1 malillugu meeqyanut ulloq unnuarlu paaqqinniffik akuerisaanissamut piumasaqaatinik naammassinnikkunnaarsimappat.

*Imm. 2. Imm. 1 malillugu Isumaginninnermut Naalakkersuisoqarfiup akuersisummik atorunnaarsitsinissamik aalajangiinnginnerani Isumaginninnermut Aqutsisoqarfiup ulloq unnuarlu paaqqinniffik oqaloqatigissavaa kiisalu akuersisummik atorunnaarsitsiniarnermut tunngaviusunik ulloq unnuarlu paaqqinniffiup aaqqiiniarnissaanik periarfissillugu.*

*Imm. 3. Imm. 1 malillugu Isumaginninnermut Naalakkersuisoqarfiup akuersissutip atorunnaarsinnejqarnissa aalajangerpagu, Naalakkersuisoqarfiup atorunnaarsitsinissamut piffissaq naammaginartumik sivissussulik aalajangersassavaa. Pissutnik atorunnaarsitsinissamik aalajangernermett pissutaasunik naliliineq tunngavigalupi fiffissaliussaq aalajangersarneqassaaq.*

**§ 14.** Isumaginninnermut Naalakkersuisoqarfiup § 13-imi imm. 2 amma 3 apeqquataatinagit akuersisummik erngertumik atorunnaarsitsisinhaavoq, matumani ulloq unnuarlu paaqqinniffimmi pillarneqaataasinnaasunik tassanngaannartumik pasitsaassaqarnerup imaluunniit meeqqat isumannaassusiisa peqqissusiisalu tassanngaannartumik ulorianartorsiortinnejqarnerisa tamanna pisariaqartilerpagu.

**§ 15.** §§ 13-14 malillugit akuersisummik atorunnaarsitsineq pillugu Isumaginninnermut Naalakkersuisoqarfiup kommunalbestyrelsit inissiisimasut erngertumik ilisimatissavai.

*Imm. 2. Akuersisummik atorunnaarsitsinermi kommunalbestyrelsit meeqyanut ulloq unnuarlu paaqqinniffimmut meeqqamik inissiisimasut inisseeqqinnissamik akisussaaffeqarput. Inisseeqqinnermi inissiinissamut innersuussisarfik suleqatigineqassaaq.*

#### *Ulluinnarni aqutsineq*

**§ 16.** Meeqyanut ulloq unnuarlu paaqqinniffinni Isumaginninnermut Aqutsisoqarfimmit pilersinneqarlutillu ingerlanneqartuni Isumaginninnermut Aqutsisoqarfik pisortamik atorfinitstsisisinnaallunilu soraarsitsisisinnaavoq.

*Imm. 2. Ulloq unnuarlu paaqqinniffiup ulluinnarni aqunneqarnera pisortap akisussaaffigivaa.*

*Imm. 3. Pisortap ulloq unnuarlu paaqqinniffimmi sulisuuusut allat, inatsisit isumaqatigiissutillu atuuttut naapertorlugit atorfinitssitarlugillu soraarsissinnaavai.*

### **Kapitali 3**

*Meeqqanut ulloq unnuarlu paaqqinniffiit kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussamik pigineqarlutillu ingerlanneqartut*

*Akuersisinnaanermut piginnaatitsineq piumasaqaatillu*

**§ 17.** §§ 18-21 malillugit Isumaginninnermut Aqutsisoqarfik meeqqanut ulloq unnuarlu paaqqinniffinnut, kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussamik pigineqartunut ingerlanneqartunullu, akuersissummik qinnuteqartoqarnerani, ulloq unnuarlu paaqqinniffiup akuerineqarnissamut piumasaqaatinik naammassinninneranik naliliineq tunngavigalugu aalajangiissaq, taamaattorli imm. 2 takuuk.

*Imm. 2. §§ 18-21 malillugit Isumaginninnermut Aqutsisoqarfik akuersissummik piumasaqaatitalimmik nalunaaruteqarsinnaavoq, tamatumani akuerisaanissamut piumasaqaatinik naammassinninnissamut piffissaliussat aalajangiunneqassallutik. Immikkut akuersissut ukiut marluk tikillugit atuuttussanngorlugu ukiumillu ataatsimik sivitsorneqarnissaanut periarfissalerlugu nalunaarutigineqarsinnaavoq.*

*Imm. 3. Imm. 1-2 malillugit akuersineq tunngavilersorneqarsimasoq allakkatigut nalunaarutigineqassaaq, tassanilu ulloq unnuarlu paaqqinniffiup sullinniagai kikkuunersut, perorsaariaaseq kiisalu qassinik inissaqartitsinersoq nalunaarutigineqassapput.*

*Imm. 4. Meeqqat tapersorsorneqarnissaannut Inatsisartut inatsisaanni § 33, imm. 1 malillugu imm. 1-2 malillugit akuersinissamut ulloq unnuarlu paaqqinniffiup ulloq unnuarlu paaqqinniffinnut inissiiffissanut ilaatinneqalernissaa piumasaqaataavoq.*

*Pitsaassutip nalilersoneqarnera*

**§ 18.** § 17 malillugu akuerineqarnissamut ulloq unnuarlu paaqqinniffiup ataatsimut nalileereernikkut pisariaqartumik pitsaassuseqarnissa piumasaqaataavoq.

*Imm. 2. Ulloq unnuarlu paaqqinniffiup pitsaassusia tunngavissat makkua aallaavigalugit nalilerneqassaaq:*

- 1) Meeqqat ilinniarnissamut sulinissamullu periarfissaat.
- 2) Meeqqat nammineersinnaalernissaminnt aamma ilaqtuttaminnt attaveqaatiminnullu atassuteqarnissaannut periarfissaat.
- 3) Ulloq unnuarlu paaqqinniffiup sullinniagai, matumani ulloq unnuarlu paaqqinniffiup sullinniakkaminut neqeroorutigisaata imarisai kiisalu meeqqat inuunerminnut sunniuteqaqataanerat.
- 4) Ulloq unnuarlu paaqqinniffiup periaasii angusaalu, matumani perorsaanikkut, tarnip pissusaanik ilisimatusarnikkut imaluunniit ilaqtariinnik katsorsaanikkut suleriaatsit.
- 5) Ulloq unnuarlu paaqqinniffimmi aaqqissuussaaneq aqutsisullu.
- 6) Ulloq unnuarlu paaqqinniffimmi sulisoqarnikkut piginnaasat.
- 7) Ulloq unnuarlu paaqqinniffimmi aningaasaqarneq, matumani naatsorsuutit kukkunersiusunit akuerineqarsimasumit kukkunersiorneqarsimasut.

8) Ulloq unnuarlu paaqqinniffimi inissatigut atugassarititat, matumani sullinniakkat pisariaqartitaannut aamma ulloq unnuarlu paaqqinniffiup periaasaanut naapertuunnersut.

**§ 19.** Ulloq unnuarlu paaqqinniffiup perorsaanermi periaasii aammalu ulloq unnuarlu paaqqinniffiup sullinniaganut tunngatillugu perorsaanermi anguniagai Isumaginninnermut Aqutsisoqarfimmit § 17 malillugu akuersissuteqarnermut atatillugu akuerineqassapput.

*Imm. 2.* Perorsaanermi periaatsit sulinermi atussallugit illorsorneqarsinnaasut, periaatsinit nunatsinni ulloq unnuarlu paaqqinniffinni taamaaqataani atugaasunit allaanerugaluartut Isumaginninnermut Aqutsisoqarfimmit akuerineqarsinnaapput.

**§ 20.** § 17 malillugu Isumaginninnermut Aqutsisoqarfup akuersinermini sulisut tamarmik inuttut suliamullu tunngatillugu sullinniakkanut piginnaasaat ilanngullugit akuerissavai.

*Imm. 2.* § 17 malillugu ulloq unnuarlu paaqqinniffik akuerineqarnissamik qinnuteqartoq, naliliinissamut atortussanik sulisut pillugit paassisutissanik naleqquttunik Isumaginninnermut Aqutsisoqarfimmut tunniussissaaq, matumani ilinniagaannut tunngasunik aammalu pineqaatissinneqarsimanermut meeqqanillu pinerliisimannginnermut upfernarsaatit ilanngullugit.

#### *Paassisutissiisussaatitaaneq*

**§ 21.** § 17 malillugu ulloq unnuarlu paaqqinniffiup akuerineqarnissamik qinnuteqartup, aaqqissuussaanermut aningaasaqarnermullu paassisutissat suliamut tunngasut, naliliinissamut atorfissaqartinneqartut Isumaginninnermut Aqutsisoqarfimmit piumasarineqarpata tunniutissavai.

**§ 22.** Ulloq unnuarlu paaqqinniffiup nammineq ingerlatsinermini akuersinermut tunngaviusunik allannguuteqartitsissaguni Isumaginninnermut Aqutsisoqarfimmut paassisutissiissutigissavai.

#### *Ileqqoreqqusat*

**§ 23.** Meeqqanut ulloq unnuarlu paaqqinniffit kommunalbestyrelsimit ataatsimit imaluunniit kommunalbestyrelsinit aralinnit ataatsimoorussamik pigineqartut ileqqoreqqusaqassapput, imarissallugit:

- 1) Ulloq unnuarlu paaqqinniffiup aqqa, sumiiffia aamma siunertaa.
- 2) Perorsaanissap siunertaata allaaserineqarnera.
- 3) Ulloq unnuarlu paaqqinniffiup sullitassaasa allaaserineqarnerat.
- 4) Aqutsisut suliassaasa allaaserineqarnerat.
- 5) Inummut pingajuusumut tunngatillugu akisussaaneq iliuuseqarsinnaatitaanerlu pillugit maleruagassat.
- 6) Missingersuusiortarneq, naatsorsuuserineq kukkunersiuinerlu pillugit maleruagassat.
- 7) Ileqqoreqqusat allangortinneqassatillugit periaassisat.

*Imm. 2.* Ileqqoreqqusaniit allanngortitsinerit Isumaginninnermut Aqutsisoqarfimmit akuerineqassapput.

#### *Akuersisummik atorunnaarsitsineq*

**§ 24.** Ulloq unnuarlu paaqqinniffik akuerisaanissamut piumasaqaatinik naammassinnikkunnaarsimappat Isumaginninnermut Naalakkersuisoqarfik § 17 malillugu akuersisummik atorunnaarsitsinissamik aalajangiisinhaavoq.

*Imm. 2. Imm. 1. malillugu naalakkersuisoqarfik isumaginninnermut akisussaasusoq akuersisummik atorunnaarsitsinissamik aalajangiinnginnerani Isumaginninnermut Aqutsisoqarfiup ulloq unnuarlu paaqqinniffik oqaloqatigissavaa kiisalu akuersisummik atorunnaarsitsiniarnermut tunngaviusunik ulloq unnuarlu paaqqinniffiup aaqqiiniarnissaanik periarfissillugu.*

*Imm. 3. Imm. 1 malillugu naalakkersuisoqarfik isumaginninnermut akisussaasusoq akuersissutip atorunnaarsinnejarnissaa aalajangerpagu, Naalakkersuisoqarfiup atorunnaarsitsinissamut piffissaq naammaginartumik sivisussusilik aalajangersassavaa. Pissutsinik atorunnaarsitsinissamik aalajangernermut pissutaasunik naliliineq tunngavigalu piffissaliussaq aalajangersarneqassaaq.*

**§ 25.** Isumaginninnermut Naalakkersuisoqarfiup § 24 apeqqutaatinnagu akuersisummik erngertumik atorunnaarsitsisinhaavoq, matumani ulloq unnuarlu paaqqinniffimi pillarneqaataasinnaasunik tassanngaannartumik pasitsaassaqarnerup imaluunniit meeqqat isumannaassusiisa peqqissusiisalu tassanngaannartumik ulorianartorsiortinnejarnnerisa tamanna pisariaqartilerpagu.

**§ 26.** Isumaginninnermut Naalakkersuisoqarfiup akuersisummik atorunnaarsitsineq pillugu kommunalbestyrelsit inissiisimasut erngertumik ilisimatissavai, tak. §§ 24-25.

*Imm. 2. Akuersisummik atorunnaarsitsinermi communalbestyrelsit meeqqanut ulloq unnuarlu paaqqinniffimmut meeqqamik inissiisimasut inisseeqqinnissamik akisussaaffeqarput. Inisseeqqinnermi inissiinissamut innersuussisarfik suleqatigineqassaaq.*

#### *Akuersissuteqarnerup atorunnaarsinna*

**§ 27.** Ulloq unnuarlu paaqqinniffik siunertamut akuerisaasumut piffissami ataannartumi ukiunik marlunnik sivisussuseqartumi atorneqanngippat § 17 malillugu akuersissut siumut ilisimatitsissutigineqarani atorunnaarsinnejarnnerisaq.

#### *Atuukkunnaarsitsineq*

**§ 28.** § 17 malillugu akuersissuteqarneq malillugu pisussaaffit annertuumik sumiginnarneqarsimappata, ulloq unnuarlu paaqqinniffiup communalbestyrelsimit ataatsimit imaluunniit communalbestyrelsinit arlalinnit ataatsimoorussamik ingerlanneqartup ingerlanneqarnerata atuukkunnaarsinnissaanik aammalu ulloq unnuarlu paaqqinniffimi pineqartumi Isumaginninnermut Aqutsisoqarfiup ingerlatsilernissaanik Isumaginninnermut Naalakkersuisoq aalajangersinnaavoq.

*Imm. 2. Atuukkunnaarsitsinissaq pillugu aalajangerneq piffissamut erseqqinnerusumik aalajangersarneqartumut imaluunniit maannamuugallartoq aalajangiiffigineqarsinnaavoq.*

**§ 29.** § 28, imm. 1. malillugu atuukkunnaarsitsinissaq pillugu aalajangernerup aningasartuutit malitsigisai, communalbestyrelsip, imaluunniit communalbestyrelsit ataatsimoorussamik meeqqanut ulloq unnuarlu paaqqinniffimmit ingerlatsisut, Isumaginninnermut Aqutsisoqarfimmut akilissavaat.

*Imm. 2. Isumaginninnermut Aqutsisoqarfíup ingerlatsinermik tigusineranni sulisut atorfeqartut, kiisalu atortorissaarutit atorneqartut kommunalbestyrelsip, imaluunniit kommunalbestyrelsit peqatigiillutik ulloq unnuarlu paaqqinniffimmik ingerlatsisut, Isumaginninnermut Aqutsisoqarfímmut atugassannngortissavaat. Sulisut, matumani kommunimi tjenestemandit ilanngulligit, atuukkunnaarsitsinermut atatillugu suliassanik isumaginninnissaannut Isumaginninnermut Aqutsisoqarfímmut ilitsorsorneqartussaapput.*

**§ 30.** Kommunalbestyrelsip, imaluunniit kommunalbestyrelsit ataatsimoorussamik meeqqanut ulloq unnuarlu paaqqinniffimmik ingerlatsisut, paasissutissat ulloq unnuarlu paaqqinniffíup ingerlanneqarnerata ingerlateqqinnissaanut pisariaqartut Isumaginninnermut Aqutsisoqarfímmut nalunaarutiginissaat pisussaaffigaat.

#### *Ulluinnarni aqtsineq*

**§ 31.** Kommunalbestyrelse ulloq unnuarlu paaqqinniffinni kommunalbestyrelsimit pigineqarlutillu ingerlanneqartuni pisortamik atorfinititsillunilu soraarsitsisinnaavoq.

*Imm. 2. Ulloq unnuarlu paaqqinniffíup ulluinnarni aqunneqarnera pisortap akisussaaffigivaa.*

*Imm. 3. Pisortap ulloq unnuarlu paaqqinniffimmi sulisusut allat, inatsisit isumaqatigiissutillu atuuttut naapertorlugit atorfinitittarlugillu soraarsissinnaavai.*

#### **Kapitali 4**

*Meeqqanut ulloq unnuarlu paaqqinniffít suliffeqarfíttut imminnut pigisutut ingerlanneqartut*

#### *Akuersisinnaanermut piginnaatitsineq piumasaqaatillu*

**§ 32.** §§ 33-43 naapertorlugit meeqqanut ulloq unnuarlu paaqqinniffímmut, ulloq unnuarlu paaqqinniffít imminut pigisutut ingerlanneqartumut, akuersisummik qinnuteqartoqarnerani, ulloq unnuarlu paaqqinniffíup akuerineqarnissamut piumasaqaatinik naammassinninneranik naliliineq tunngavigalugu Isumaginninnermut Aqutsisoqarfík aalajangiissaq.

*Imm. 2. §§ 33-44 malillugit Isumaginninnermut Aqutsisoqarfík akuersisummik piumasaqaatíalímmik nalunaaruteqarsinnaavoq, tamatumani akuerisaanissamut piumasaqaatinik naammassinnissamut pifflissaliussat aalajangiunneqassallutik. Immikkut akuersissut ukiut marluk tikillugit atuuttussanngorlugu ukiumillu ataatsimik sivitsorneqarnissaanut periarfíssalerlugu tunniunneqarsinnaavoq.*

*Imm. 3. Imm. 1 aamma imm. 2 malillugit akuersineq tunngavilersorneqarsímasoq allakkatigut nalunaarutigineqassaaq, tassanilu ulloq unnuarlu paaqqinniffíup sullinniagai kikkuunersut, perorsaariaaseq aammalu qassník inissaqartitsinersoq nalunaarutigineqassapput.*

*Imm. 4. Meeqqat tapersorsorneqarnissaannut Inatsisartut inatsisaanni § 33 imm. 1 malillugu imm. 1 imaluunniit 2 naapertorlugit akuerineqarnissamut, meeqqanut ulloq unnuarlu paaqqinniffíup imminut pigisutut ingerlanneqartup ulloq unnuarlu paaqqinniffínnut inissiiffíssanut ilaatinneqalernissaa piumasaqaataavoq.*

#### *Pitsaassutsimik naliliineq*

**§ 33.** Meeqqanut ulloq unnuarlu paaqqinniffiup imminut pigisup akuerineqarnissaanut, ulloq unnuarlu paaqqinniffiup ataatsimut nalileereernikkut pisariaqartumik pitsaassuseqarnissaa piumasaqaataavoq.

*Imm. 2.* Ulloq unnuarlu paaqqinniffiup pitsaassusaa tunngavissat makkua aallaavigalugit nalilerneqassaaq:

- 1) Meeqqat ilinniarnissamut sulinissamullu periarfissaat.
- 2) Meeqqat nammineersinnaalernissaminnut aamma ilaqtuttaminnut attaveqaatiminnullu atassuteqarnissaannut periarfissaat.
- 3) Ulloq unnuarlu paaqqinniffiup sullinniagai, matumani ulloq unnuarlu paaqqinniffiup sullinniakkaminut neqeroorutigisaata imarisai ilanngullugit, kiisalu meeqqat immineq uunerminnut sunniuteqaqataanerat.
- 4) Ulloq unnuarlu paaqqinniffiup periaasii angusaalu, matumani perorsaanikkut, tarnip pissusaanik ilisimatusarnikkut imaluunniit ilaqtariinnik katsorsaanikkut suleriaatsit.
- 5) Ulloq unnuarlu paaqqinniffimmi aaqqissuussaaneq aqutsisullu.
- 6) Ulloq unnuarlu paaqqinniffimmi sulisoqarnikkut piginnaasat.
- 7) Ulloq unnuarlu paaqqinniffimmi aningaasaqarneq, matumani naatsorsuutit kukkunersiusunit akuerineqarsimasumit kukkunersiorneqarsimasut.
- 8) Ulloq unnuarlu paaqqinniffimmi inissatigut atugassarititat, matumani sullinniakkat pisariaqartitaannut aamma ulloq unnuarlu paaqqinniffiup periaasaanut naapertuunnersut.

**§ 34.** § 32 malillugu akuersissuteqarnermut atatillugu ulloq unnuarlu paaqqinniffiup perorsanermi periaasii aammalu ulloq unnuarlu paaqqinniffiup sullinniagaanut tunngatillugu perorsanermi anguniagai Isumaginninnermut Aqutsisoqarfimmit akuerineqassapput.

*Imm. 2.* Perorsanermi periaatsit sulinermi atussallugit illersorneqarsinnaasut, periaatsinit nunatsinni ulloq unnuarlu paaqqinniffinni taamaaqataani atugaasunit allaanerugaluartut Isumaginninnermut Aqutsisoqarfimmit akuerineqarsinnaapput.

**§ 35.** Ulloq unnuarlu paaqqinniffiup aqutsisuata sulisunik atorfinitssisarneq soraarsitsisarnerlu akisussaaffigai.

*Imm. 2.* § 32 malillugu ulloq unnuarlu paaqqinniffik akuerineqarnissamik qinnuteqartoq, naliliinissamut atortussanik sulisut pillugit paassisutissanik naleqquttunik Isumaginninnermut Aqutsisoqarfimmut tunniussissaaq, matumani ilinniagaannut tunngasunik aammalu pineqaatissinneqarsimanermut meeqqanillu pinerliisimannginnermut uppermarsaatit ilanngullugit.

**§ 36.** Meeqqanut ulloq unnuarlu paaqqinniffimmik suliffeqarfittut imminut pigisutut ingerlanneqartumik akuersissagaanni, aqutsisut sulisuuusullu akissarsiatiqut atorfinitssitaanermilu atugarisaasa pisortani taamatut atorfillit atugarisaat assigissagaat piumasaqaataavoq.

*Imm. 2.* Uppernarsaatissat akuersisummik qinnuteqaatip nalilersorneqarnissaanut atorneqartussat, ulloq unnuarlu paaqqinniffiup Isumaginninnermut Aqutsisoqarfimmut saqqummiutissavai.

*Aaqqissuussaanerup akuerineqarnera*

**§ 37.** Ulloq unnuarlu paaqqinniffik imminut pigisoq ingerlatsiviussaaq inatsisit eqqarsaatigalugit namminersortoq aningaasaqarnerlu eqqarsaatigalugu namminersortoq.

*Imm. 2. Isumaginninnermut Aqutsisulli imm. 1-imí piumasaqaat avaqqussinnaavaa:*

- 1) ulloq unnuarlu paaqqinniffik meeqqanut ulloq unnuarlu paaqqinniffimmut Kalaallit Nunaanniittumut imminut pigisumut allamut, nalunaarut manna malillugu akuerisaasumut ilaappat, aamma
- 2) tamanna suliaq eqqarsaatigalugu tunngavissaqarluarpas.

#### *Missingersuutit naatsorsuutillu*

**§ 38.** Meeqqanut ulloq unnuarlu paaqqinniffit imminut pigisut ulloq unnuarlu paaqqinniffittut suliassannik isumaginninnissaminnut ukiunut tulliuttunut naatsorsuusiorfiusunut missingersuusiussapput. Missingersuut kukkunersiusumit akuerisamit akuerineqassaaq kiisalu kommunalbestyrelsimit Isumaginninnermullu Aqutsisoqarfimmuk kingusinnerpaamik 1. oktobarimi tunniunneqassalluni, taamaattorli imm. 2 takuuk.

*Imm. 2. Imm. 1 malillugu missingersuutissatut siunnersuut ukiup naatsorsuusiorfiusup siulianut sanilliullugu allannguutinik annertuunik imaqarpat, kommunalbestyrelsimit Isumaginninnermullu Aqutsisoqarfimmuk kingusinnerpaamik 1. junimi tunniunneqassaaq. Allannguutit nassuarneqassapput tunngavilersorneqarlutillu.*

*Imm. 3. Ulloq unnuarlu paaqqinniffik imminut pigisoq akiliisinnaassuseqarnermut missingersummik piumasaqartoqartillugu inissiisimasunut, tassa kommunalbestyrelsinit Isumaginninnermullu Aqutsisoqarfimmuk nassiussissaaq.*

*Imm. 4. Ulloq unnuarlu paaqqinniffik imminut pigisoq missingersuummi nassiunneqartumi nikingassutsit annertuut, ulloq unnuarlu paaqqinniffiup ingerlanneranut sunniuteqarsinnaasut pillugit inissiisimasunut, tassa kommunalbestyrelsinit Isumaginninnermullu Aqutsisoqarfimmuk erngertumik ilisimatitsissaaq.*

**§ 39.** Ulloq unnuarlu paaqqinniffiup imminut pigisup missingersuutaa ulloq unnuarlu paaqqinniffimmi pitsaassutsip pisariaqartinneqartup qulakkeerneqarnissaanut naapertutissaaq, aamma aki pitsaassuserlu naammaginartumik ataqatigiissapput kiisalu maleruagassat allat malinnejcarlutik.

*Imm. 2. Illututinik aalaakkaasunik attartornermut akiliutinut aningaasartuutit, illut pisiarineqarnerinut aningaasartuutinut naleqqiullugu, illututinik attartornermi aningaasartuutinit naleqquttunit annerussannangillat.*

*Imm. 3. Siulersuisuni ilaasortat akissarsiaat suliap suunera suliassallu annertussusiat malillugu nalinginnaasutut isigineqartunit amerlanerussanngillat.*

*Imm. 4. Ulloq unnuarlu paaqqinniffiup tutsuiginassusaa missingersuutit akuerineqarneranni ilanngunneqarsinnaanngilaq.*

*Imm. 5. Paaqqinniffik imminut pigisoq, meeqqanut ulloq unnuarlu paaqqinniffimmik ingerlatsinerup saniatigut allanik ingerlataqarpat, ulloq unnuarlu paaqqinniffiup ingerlanneqarneranut saniatigullu ingerlatanut immikkoortitanik missingersuusiortoqassaaq.*

**§ 40.** Meeqqanut ulloq unnuarlu paaqqinniffik imminut pigisoq, ukiumoortumik naatsorsuusiortarneq pillugu inatsisip Kalaallit Nunaanni atortuulersinneqarnissaanik peqqusummi immikkoortut aappaanni malittarisassat naapertorlugit, inatsimmi allami allatut aalajangersaasoqarsimangippat ukiumoortumik naatsorsuusiussaaq. Ulloq unnuarlu paaqqinniffiup oqimaaqtigiissitsinerata inernerata, ilanngaseereerluni kaaviliaartitaata imaluunniit sulisorisaasa amerlassusiisa killiliussat ukiumoortumik

naatsorsuusiortarneq pillugu inatsisip Kalaallit Nunaanni atortuulersinneqarnissaanik peqqusummi § 4-mi aalajangersarneqarsimasut sinnerpagit, taava ukiumoortumik naatsorsuusiortarneq pillugu inatsisip Kalaallit Nunaanni atortuulersinneqarnissaanik peqqusummi immikkoortut pingajuat malillugu ukiumoortumik naatsorsuusiussaaq.

*Imm. 2.* Imm. 1 malillugu ulloq unnuarlu paaqqinniffiup imminut pigisup naatsorsuutini inissiimasunut, tassa communalbestyrelsinit Isumaginninnermullu Aqutsisoqarfimmut, ilisimatitsissutitut nassiatissavaa. Naatsorsuutit communalbestyrelsinit inissiimasasunit Isumaginninnermullu Aqutsisoqarfimmit kingusinnerpaamik ullormi 1. junimi tiguneqareersimassapput.

*Imm. 3.* Ulloq unnuarlu paaqqinniffiup aningaasaqarnerata paassiuminarluinnartuunissaa pisuni immikkut ittuni pisariaqartutut nalilerneqarpat, inissiimasut communalbestyrelsit aamma Isumaginninnermullu Aqutsisoqarfik ulloq unnuarlu paaqqinniffiit ataasiakkaat naatsorsuusiornissaanut allanik aamma piumasaqaateqarsinnaapput, matumani ulloq unnuarlu paaqqinniffiup ingerlanneqarneranut immaqalu aamma saniatigut ingerlatanut immikkut naatsorsuinissamik piumasaqaateqarneq ilanngullugit.

**§ 41.** Meeqqanut ulloq unnuarlu paaqqinniffiit imminut pigisut naatsorsuutaat kukkunersiuisumit akuerisaasumit kukkunersiorneqassapput.

*Imm. 2.* Naatsorsuutit eqqortuunersut, aalajangiinerit naatsorsuutit saqqummiunneqarnerinut ilaasussat ilaandersut, inatsisut malittarisassanullu allanut aammalu isumaqtigiiqasmasut suleriaatsinullu nalinginnaasunut naapertuunersut, kiisalu aningaasaliissutit ingerlanneqarneranni akiligassat eqqarsaatigineqarsimanersut, kukkunersiuinermi misilinnejassapput.

*Imm. 3.* Ulloq unnuarlu paaqqinniffiup kukkunersiuisua Isumaginninnermut Aqutsisoqarfimmit qinnuigineqaruni pissutsit kukkunersiuinermi misissorneqarsimasut suuneri pillugit nalunaaruteqassaaq, aammalu akuersissummut atatillugu piumasaqaatit eqquutsinnejassimanerannik Isumaginninnermut Aqutsisoqarfiup naliliinissaani pingaaruteqartut Isumaginninnermut Aqutsisoqarfimmut nalunaarutigissavai. Kukkunersiuisoq pissutsinik, akuersissummi piumasaqaatit eqquutsinnejassimanerannik kukkunersiuisumik nalornilersitsisunik kukkunersiuinermini paasisaqaruni, Isumaginninnermut Aqutsisoqarfimmut tamatuminnga nalunaaruteqassaaq.

*Imm. 4.* Kukkunersiuisoq kukkunersiuinerminut atatillugu ulloq unnuarlu paaqqinniffiup ingerlanneqarneranit sinneqartooraasimasinnaasut atorneqarnerannut nassuaassaaq, aammalu illuartitat aamma immikkut ittumik aningaasaqarnikkut aalajangiinerit ulloq unnuarlu paaqqinniffiup siunertaata iluaninnerat qulakkiissallugu. Pissutsit, aalajangiinerup ulloq unnuarlu paaqqinniffiup siunertaanut ilaaneranik kukkunersiuisumut nalornilersitsisut paasineqarpata, kukkunersiuisup Isumaginninnermut Aqutsisoqarfimmut kalerriutigissavai.

#### *Paassisutissiisussaatitaaneq*

**§ 42.** § 32 malillugu meeqqanut ulloq unnuarlu paaqqinniffiup imminut pigisup akuersissummit qinnuteqartup suliamut, aaqqissuussaanermut aningaasaqarnermullu tunngatillugu paassisutissat ulloq unnuarlu paaqqinniffimmut tunngasut Isumaginninnermut Aqutsisoqarfiup qinnutigisai qinnuteqaatip nalilersorneqarnissaani atugassat Isumaginninnermut Aqutsisoqarfimmut tunniutissavai.

*Imm. 2.* Ulloq unnuarlu paaqqinniffiup ingerlataasa allat, ulloq unnuarlu paaqqinniffiup aningaasaataanik nuussinngikkaluarluni ingerlatiinnarnissaannut akissaqarnini uppernarsassagaal Isumaginninnermut

Aqutsisoqarfíup ulloq unnuarlu paaqqinniffimmut suliffeqarfittut imminut pigisutut ingerlanneqartumut akuersissummiq qinnuteqaammik suliaqarnerminut atatillugu qinnuteqartoq qinnuigisinhaavaa.

**§ 43.** Akuersinermut tunngaviusunik annertuumik allannguutit, matumaní saniatigut ingerlatanik aallartitsinerit pillugit ulloq unnuarlu paaqqinniffik erngertumik namminerlu Isumaginninnermut Aqutsisoqarfímmut inissiisimasunullu tassa kommunalbestyrelsínut paasissutissiissutigissavai.

**§ 44.** Meeqananut ulloq unnuarlu paaqqinniffit imminut pigisut ileqqoreqqusaqassapput, imarissallugit:

- 1) Ulloq unnuarlu paaqqinniffíup aqqa, sumiiffia amma siunertaa.
- 2) Perorsaníssap siunertaata allaaserineqarnera.
- 3) Ulloq unnuarlu paaqqinniffíup sullitassaasa allaaserineqarnerat.
- 4) Pilértsinermi nammíneq aningaasaatit annertussusaat qanorlu akilerneqarsímanerat.
- 5) Aqutsisut toqqarneqarnerat suliassaasalu allaaserineqarnerat.
- 6) Inummut pingajuusumut tunngatillugu akisussaaneq iliuuseqarsinnaatitaanerlu pillugit maleruagassat.
- 7) Akiitsunut akiliusussaatitaanermut maleruagassaq.
- 8) Missingersuusiortarneq, naatsorsuuserineq kukkunersiuinerlu pillugit maleruagassat.
- 9) Ileqqoreqqusat allanngortinnejqassatillugit periaassisat.
- 10) Atorunnaarsitsinermi nammíneq aningaasaliíssutinik atuinissamut maleruagassat.
- 11) Siulersuisut katitigaanerinut maleruagassat.

*Imm. 2.* Meeqananut ulloq unnuarlu paaqqinniffit suliffeqarfittut imminut pigisutut ingerlanneqartut ileqqoreqqusaanik Isumaginninnermut Aqutsisoqarfík akuerinnittuussaaq.

*Imm. 3.* Pilértsisup amma ulloq unnuarlu paaqqinniffíup aningaasaqarnerat ersaríssumik immikkortinnejqarsímapata, matusinermilu ulloq unnuarlu paaqqinniffíup pisuussutaasa atorneqarnerinut ileqqoreqqusani maleruagassat, ulloq unnuarlu paaqqinniffíup siunertaanut naleqquttuusut Isumaginninnermut Aqutsisoqarfík naliliíppat, ileqqoreqqusat akuersissutigineqarsinnaapput.

*Imm. 4.* Ileqqoreqqusanik allanngortitsinerit Isumaginninnermut Aqutsisoqarfímmít akuerineqassapput.

#### *Akuersissummiq atorunnaarsitsineq*

**§ 45.** § 32 malillugu ulloq unnuarlu paaqqinniffik akuerisaanissamut piumasqaatinik naammassinnikkunnaarsímapat Isumaginninnermut Naalakkersusoqarfík akuersissummiq atorunnaarsitsinissamik aalajangiisinhaavoq.

*Imm. 2.* Imm. 1. malillugu Isumaginninnermut Naalakkersusoqarfíup akuersissummiq atorunnaarsitsinissamik aalajangiinnginnerani Isumaginninnermut Aqutsisoqarfíup ulloq unnuarlu paaqqinniffik oqaloqatigissavaa, kiísalu akuersissummiq atorunnaarsitsinínermut tunngaviusunik ulloq unnuarlu paaqqinniffíup aaqqiiniarnissaanik periarfíssillugu.

*Imm. 3.* Isumaginninnermut Naalakkersusoqarfíup imm. 1 malillugu akuersissutip atorunnaarsinnejqarníssaa aalajangerpagu, Naalakkersusoqarfíup atorunnaarsitsinissamut piffíssaq naammaginartumik sivisussusilik aalajangersassavaa. Pissutsínik atorunnaarsitsinissamik aalajangernermut pissutaasunik naliliíneq tunngavigalú piffíssaliussaq aalajangersarneqassaaq.

**§ 46.** § 45, imm. 2-3 apeqquataatinnagu akuersisummit erngertumik naalakkersuisoqarfik isumaginninnermut akisussaasusoq atorunnaarsitsisinaavoq, matumani ulloq unnuarlu paaqqinniffimi pillarneqaataasinnaunik tassanngaannartumik pasitsaassaqernerup imaluunniit meeqqat isumannaassusiisa peqqissusiisalu tassanngaannartumik ulorianartorsiortinnejnarnerisa tamanna pisariaqartilerpagu.

**§ 47.** §§ 45-46 malillugit akuersisummit atorunnaarsitsineq pillugu naalakkersuisoqarfik isumaginninnermut akisussaasusoq kommunalbestyrelsit inissiisimasut erngertumik ilisimatissavai.

*Imm. 2.* Akuersisummit atorunnaarsitsinermi kommunalbestyrelsit meeqqanut ulloq unnuarlu paaqqinniffimmut meeqqamik inissiisimasut inisseeqqinnissamik akisussaaffeqarput. Inisseeqqinnermi inissiinissamut innersuussisarfik suleqatigineqassaaq.

#### *Akuersissuteqarnerup atorunnaartarnera*

**§ 48.** Ulloq unnuarlu paaqqinniffik siunertamut akuerisaasumut piffissami ataannartumi ukiunik marlunniq sivisussuseqartumi atorneqanngippat § 32 malillugu akuersissut siumut ilisimatitsissutigineqaaqqaarani atorunnaarsinneqassaaq.

### **Kapitali 5**

#### *Aningaasalersugaaneq*

**§ 49.** Meeqqanut ulloq unnuarlu paaqqinniffimmut kapitali 2 malillugu Isumaginninnermut Aqtsisoqarfimmit pilersinneqarlunilu ingerlanneqartumut inissiinerminut ulloq unnuarlu akigititaq, kommunalbestyrelsip inissiisup akiligassaa, Naalakkersuisunit kommunalbestyrelsillu imaluunniit kommunit ataatsimoorussisut aallartitaata akornanni isumaqatiginninniarnikkut aalajangersarneqassaaq. Ulloq unnuarlu paaqqinniffiup ingerlatsinermut aningaasartuutai akigititamik akiliutinit tamarmiusunit matussuserneqarsinnaassussaapput.

*Imm. 2.* Ulloq unnuarlu akigititaq, kommunalbestyrelsip inissiisup meeqqanut ulloq unnuarlu paaqqinniffimmut kapitali 4 malillugu ulloq unnuarlu paaqqinniffittut imminut pigisutut ingerlanneqartumut inissiinerminut akiligassaa, ulloq unnuarlu paaqqinniffiit ataasiakkaat aamma kommunalbestyrelsip imaluunniit kommunit ataatsimoorlutik aallartitaata akornanni isumaqatiginninniarnikkut aalajangersarneqassaaq. Ulloq unnuarlu paaqqinniffiup ingerlatsinermut aningaasartuutai akigititamik akiliutinit tamarmiusunit matussuserneqarsinnaassussaapput.

*Imm. 3.* Ulloq unnuarlu paaqqinniffik meeqqanik kommuninit allanit tigusisanngippat, meeqqanut ulloq unnuarlu paaqqinniffiit kommuninit pigineqartut, kapitali 3 malillugu akuerineqartut imm. 1-im aamma 2-mi akigititanik aalajangersarneqartuni pineqartunut ilaatinneqanngillat. Taamatut pisoqarsimappat akigititat imm. 1-im aalajangersakkat naapertorlugit aalajangersarneqassapput.

*Imm. 4.* Ulloq unnuarlu akigititaq, imm. 1-3 naapertorlugit communalbestyrelsip inissiisup meeqqanut ulloq unnuarlu paaqqinniffimmut inissiinerminut akiligassaa, tassaavoq meeqqap ulloq unnuarlu paaqqinniffimmiinneranut atatillugu akiligassat tamarmiusut, matumani ukununnga aningaasartuutit:

- 1) sulisut nalinginnaasut,
- 2) nerisaqarneq ineqarnerlu

- 3) sullisisut, matumani tarnip pissusaanik ilisimasallit aamma tarnikkut nappaatinik katsorsaasartut
- 4) Kalaallit Nunaanni avataanilu angalaarnerit angalanerillu,
- 5) sunngiffimi sammisassaqtitsinerit, aamma
- 6) meeqqamut kaasarfimmiussat atisarsiniutissallu.

*Imm. 5. Meeqqanut ulloq unnuarlut paaqqinnifiup ullormut unnuamullu akigititani nittartakkami saqqummiutissavai.*

**§ 50.** Meeqqap nappaataata imaluunniit pissusilersortarnerata annertuumik ajorseriarnerani kommunalbestyrelsip inissiisup akuersineratigut ulloq unnuarlut akigititaq qaffasinnerusoq akilersinnejarsinnaavoq. Meeraq atugarissaarnereminut, peqqissutsiminut imaluunniit ineriarngerminut ilungersunartumik ajoqsiisinjaanaeneranik aarlerinaateqartumik pissusilersortarp, imaluunniit meeqqap imaluunniit allat inuunerat imaluunniit alassarinnerat navianartorsiortinnejarsinnaavoq. aqqaq imaluunniit allat inuunerat imaluunniit alassarinnerat navianartorsiortinnejarsinnaavoq.

*Imm. 2. Imm. 1 malillugu ulloq unnuarlut akigititap qaammatit pingasut tikillugit qaffanneqarnera akuerineqarsinnaavoq, tamatuma kingorna ulloq unnuarlut akigititap ukiumut aalajangersimasumik qaffanneqarnissaa qinnuteqaatigineqassalluni. Meeqqat tapersorsorneqarnissaannut Inatsisartut inatsisaanni § 47 malillugu meeqqamut iliuusissatut pilersaarutip iluarsanneqarnerani akigititamik aalajangersimasumik qaffasinnerusumik akiliisarnissamut suli tunngavissaqarnersoq aalajangiisoqassaaq.*

*Imm. 3. Kommunalbestyrelsip inissiisimasup meeqqanut ulloq unnuarlut paaqqinniffimmumt kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussamik ingerlannejartumut paaqqinniffimmulluunniit imminut pigisumut imm. 1 malillugu ulloq unnuarlut akigititamik qaffaanissamik aalajangerneq pillugu allakkatigut Isumaginninnermut Aqutsisoqarfik ilisimatissavaa.*

**§ 51.** Iliuusissatut pilersaarut suliarineqartoq malillugu meeraq inissinneqartoq piffissami ullut 14-it sinnerlugit angajoqqaaminiiittassappat imaluunniit allaniittassappat, kommunalbestyrelsip inissiisimasup akigititap nalinginnaasup 85 %-ianut apparsinnaavaa. Akiliisarnerup iluarsineqarnera qaammatip tulliuttup naanerani pisassaaq.

*Imm. 2. Meeqqap ulloq unnuarlut paaqqinniffimmumti inissinneqartup, feeriarnera, napparsimanera assigaaluunniit pissutaallutik sapaatit akunnerini marlunnit amerlanerusuni paaqqinnifiup avataaniippat paaqqinniffimmumtut suli isigineqassaaq, kisianni piffissamut akigititaq aningaasartat nalinginnaasut 85 %-ianut annikillisinnejarsinnaavoq.*

*Imm. 3. Kommunalbestyrelse inissiisoq meeqqap efterskolimiinnissaanik imaluunniit allatut atuarfimmiinnissaanik aalajangiippat, meeqqap atuarfimmiinnerata naammassinissa tikillugu, ulloq unnuarlut paaqqinniffik meeqqamut piareersimaneriminut akiliummik annikillisamik tigusaqartassaaq. Isumaginninnermut Naalakkersuisoqarfik ukiumut ataasiarluni akiliutip annikillisakkap annertussusissa aalajangertassavaa tamanullu saqqummiullugu.*

*Imm. 4. Kommune ulloq unnuarlut akigititamik annikillisamik akiliisarpat, akigititami kaasarfimmiussat atisassarsiutissallu ilaatinnejassanngillat.*

**§ 52.** Meeraq ullup unnuallu ilaannaani meeqqanut ulloq unnuarlut paaqqinniffimmumtarp annikillisitamik akiliisitsisoqartassaaq, akiliutillu taakku oqartussaasup akiliuteqartartup paaqqinniffiullu

akornanni ataasiakkaarlugit isumaqatigiinniutigineqartassapput.

**§ 53.** Paaqqinniffik meeqqamik najugaqarallartussamik inissiivigineqarpat, najugaqarnerup nalaani ulloq unnuarlu akiliutit nalinginnaasut akiliutigitinneqartassapput.

**§ 54.** Inuuusuttu 18-inik ukiulinniit 23-t ilanngullugit ukiullit Meeqqat tapersorsorneqarnissaannut Inatsisartut inatsisaat § 42 malillugu suliniuteqareernermermi malitseqartitsilluni suliniuteqarfingineqartut siusinaartumillu pensionisiaqartut, pensionit tunniunneqartarneri pillugit malittarisassat aalajangersarneqarsimasut tunngavigalugit ineqarnerminnut akiliuteqartinneqartassapput.

**§ 55.** Meeqqanut ulloq unnuarlu paaqqinniffik communalbestyrelsimum immikkut ittumik ikorsiissuteqartaruni, ulloq unnuarlu paaqqinniffiup communalbestyrelsip isumaqatigiissuteqarfingineratigut akiliisissinnaavaa.

*Imm. 2. Imm. 1 malillugu akiliisitsiniarnermi immikkut ittumik ikorsiissutit suunerinik akiinillu allakkatigut isumaqatigiissusiortoqareersimanissa piumasaqaataavoq.*

**§ 56.** Meeqqat meeqqanut ulloq unnuarlu paaqqinniffimmiinnerinut akiliutit qaamatikkaartumik kingumoortumik akilerneqartassapput.

## **Kapitali 6**

### *Kaasarfimmiusat atisassarsiutissallu*

**§ 57.** Akigititat aalajangersimasut, Isumaginninnermut Naalakkersuisoqarfimmit ukiut tamaasa aalajangerneqartartut tamanullu saqqummiunneqartartut malillugit kaasarfimmiusat atisarsiutissallu ulloq unnuarlu paaqqinniffinnit §§ 11, 17 aamma 32 malillugu akuerineqarsimasunit tunniunneqartassapput.

**§ 58.** Meeqqat tapersorsorneqarnissaannut Inatsisartut inatsisisaat § 46 malillugu meeqqamut paarineqartumut iliuusissatut pilersaarummi, imaluunniit meeqqat tapersorsorneqarnissaannut Inatsisartut inatsisisaat § 48 malillugu katsorsarneqarnissamik pilersaarummi, allamik allassimasoqanngippat ulloq unnuarlu paaqqinniffimmi pisortap meeraq peqatigalugu aalajangissavaa meeqqap aningasat qanoq amerlatigisut imminut atortasanerai, qanoq akulikitsigisumik tunniunneqartassanersut kiisalu meeqqap aningasartuutit suut nammineq akilertassanerai. Aningasalli nammineq atorsinnaasat minnepaamik qaammammut ataasiarluni tunniunneqartassapput.

*Imm. 2. Meeraq perorsaanermik pissuteqartumik piffissap ilaani perorsaanermik siunertaqarneq aallaavigalugu aningasanik tamakkiisumik tunineqassanngitsoq pisortap nalilerpagu, aningasat tunniunneqanngitsut meeqqap aqqa atorlugu aningaaserivimmi kontumi pilersinneqarsimasumut ikineqassapput.*

*Imm. 3. Kaasarfimmiusat atisassarsiutissalluunniit meeqqap nammineq atugassaatut tunniunneqanngitsut meeqqap atisassaanik assigisaannilluunniit pisinermut atorneqassapput. Aningasat sinnerisinnaasaat meeqqap aqqa atorlugu kontumut pilersinneqarsimasumut ikineqassapput.*

*Imm. 4. Aningasat imm. 2-mi 3-milu taaneqartuni kontuniittut ulloq unnuarlu paaqqinniffimi sulisup*

meeqqallu ataatsimoorussamik imaluunniit ulloq unnuarlu paaqqinniffimmi sulisut marluk ataatsimoorussamik taamaallaat tigusinnaavaat. Tigusinermut uppernarsaat ulloq unnuarlu paaqqinniffiup pisortaanut tunniunneqassaaq paaqqinniffimilu toqqorneqassalluni.

## Kapitali 7

*Tikeraarluni angalanerit*

**§ 59.** Kommunalbestyrelsip inissiisimasup Meeqqat tapersorsorneqarnissaannut Inatsisartut inatsisaanni § 32 imm. 1 malillugu meeqqap tikeraarluni angalaneranut atatillugu aningaasartuutit kiisalu Meeqqat tapersorsorneqarnissaannut Inatsisartut inatsisaanni § 32, imm. 2 malillugu angajooqqaatut oqartussaassusillip qanigisaasulluunniit allap tikeraarluni angalaneranut atatillugu aningaasartuutit tamaasa, matumani ingiaqateqarnermut, nerisaqarnermut aningaasartuutit akilissavai.

**§ 60.** Meeraq ingiaqateqarani ulloq unnuarlu paaqqinniffimmit feeriarluni angalasinnaanngippat, meeqqap angalanerani ataatsimik ingiaqateqartinneqassaaq.

*Imm. 2.* Pisuni aalajangersimasuni tamanna pisariaqartoq nalililerneqarpat, ingiaqataasussat ataatsimit amerlanerusut akuerineqarsinnaapput.

*Imm. 3.* Meeqqap feeriarluni angalanerani ingiaqatissaa nalinginnaasumik tassaassaaq meeqqap ikorfartortigalugulu immikkut attaveqarfigisartagaa imaluunniit allat meeqqap ulluinnarni attavigisartagai.

## Kapitali 8

*Maalaarut*

**§ 61.** Meeqqanut ulloq unnuarlu paaqqinniffimmik akuersilluni Isumaginninnermut Aqutsisoqarfius alajangiinera pisortatigut oqartusanut allanut naammagittaalliuutigineqarsinnaanngilaq.

## Kapitali 9

*Atortuulerfia*

**§ 62.** Nalunaarut manna ullormi 1. oktobari 2021-imi atuutilissaaq.

*Imm. 2.* Atuutilerneranullu atatillugu Meeqqanut ulloq unnuarlu paaqqinniffinnik pilersitsineq ingerlatsinerlu pillugit nalunaarut nr. 1, 25. januaari 2019-imeersoq atorunnaarsinneqassaaq.

Namminersorlutik Oqartussat, ulloq 31. agusti 2021

Mimi Karlsen

Meeqqanut, Inuuusuttunut, Ilaqtariinnut Naalakkersuisoq

**Namminersorlutik Oqartussat**

Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut